

Broj: 04-39-87/10

Mostar, 11. 01. 2010. godine

Na osnovu tačaka I. i II. Odluke o načinu obrazovanja i visini naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe („Službene novine Federacije BiH“, broj 80/07, 84/07 i 4/08), te člana 28. Pravilnika o unutrašnjoj organizaciji Federalnog ministarstva obrazovanja i nauke, broj: 06-02-3-1401/09 od 23.03. 2009. godine, a nakon provedenog postupka kandidiranja, federalna ministrica obrazovanja i nauke, d o n o s i

## **R J E Š E N J E**

### **o imenovanju predsjednika i članova Savjeta za nauku Federalnog ministarstva obrazovanja i nauke**

1. Imenuje se Savjet za nauku Federalnog ministarstva obrazovanja i nauke ( u daljem tekstu: Savjet za nauku ) kao stalno radno tijelo, u slijedećem sastavu:
  - **akademik prof. dr. Zijo Pašić**, predsjednik – za oblast tehničkih nauka;
  - **prof. dr. Ljerka Ostojić**, zamjenica predsjednika - za oblast biomedicine i zdravstva;
  - **prof dr. Tatjana Ljujić-Mijatović**, član - za oblast biotehničkih nauka;
  - **prof. dr. Izet Žigić**, član - za oblast prirodnih nauka;
  - **prof. dr. Muris Čičić**, dopisni član ANU BiH, član - za oblast društvenih nauka;
  - **akademik prof. dr. Rešid Hafizović**, član - za oblast humanističkih nauka;
  - **mr. Jasmin Branković**, sekretar, ispred Federalnog ministarstva obrazovanja i nauke.
  
2. Savjet za nauku:
  - na traženje Federalne ministrice obrazovanja i nauke (dalje: Ministrica) razmatra pitanja od značaja za razvoj naučne djelatnosti u Federaciji Bosne i Hercegovine, te predlaže mjere za njeno unapređenje;
  - po ovlaštenju Ministrice ostvaruje kontakte i saradnju sa domaćim i međunarodnim tijelima, institucijama i organizacijama u oblasti nauke, tehnologija i istraživanja, te zastupa zvanične stavove u vezi sa strateškim opredjeljenjima i aktivnostima Federalnog ministarstva obrazovanja i nauke ( dalje: Minitarstvo ) iz svog djelokruga rada u javnosti;
  - predlaže Ministrici strateške pravce razvoja nauke u Federaciji Bosne i Hercegovine ( dalje: Federacija ), te akcione planove i druge dokumente za njihovo provođenje;
  - predlaže Ministrici mjere za popularizaciju nauke i naučnoistraživačke djelatnosti, te afirmaciju i usavršavanje naučnog podmlatka u Federaciji;
  - priprema i dostavlja na usvajanje Ministrici Projektni zadatak za izradu Strategije razvoja nauke u F BiH;

- priprema i predlaže Ministrici kriterije, proceduru i dinamiku provođenja Konkursa za finansiranje/sufinansiranje naučnoistraživačkih projekata u Federaciji u 2010. godini;
  - razmatra izvještaje i daje ocjenu naučnih rezultata projekata finansiranih/sufinansiranih od strane Ministarstva u prethodnom periodu;
  - po potrebi predlaže Ministrici angažman eksperata sa Liste eksperata Ministarstva za pojedine naučne oblasti, polja i grane;
  - na zahtjev Ministrice predlaže kriterije za dodjelu podrške institucijama i pojedincima u oblasti nauke;
  - na traženje Ministrice razmatra i daje mišljenje o zahtjevima naučnih ustanova, udruženja i pojedinaca za dodjelu podrške u okviru pojedinih programa i projekata koje finansira/sufinansira Ministarstvo;
  - razmatra eventualno prisjele žalbe na rezultate Konkursa za finansiranje/sufinansiranje naučnoistraživačkih projekata u Federaciji Bosne i Hercegovine u 2010. godini;
  - donosi poslovnik o svom radu.
3. Savjet za nauku je dužan raditi u punom sastavu i o svom radu podnijeti izvještaj Ministrici najmanje jednom godišnje, a po potrebi i češće.
  4. Predsjedniku, zamjenici predsjednika i članovima Savjeta za nauku pripada naknada za rad koja će se odrediti posebnim rješenjem, a prema kriterijima utvrđenim u Odluci o načinu obrazovanja i visini naknada za rad stručnih komisija i drugih radnih tijela osnovanih od strane Vlade Federacije BiH i federalnih organa državne službe („Službene novine Federacije BiH“, br. 80/07, 84/07 i 4/08).
  5. Pravne poslove za potrebe Savjeta za nauku, obavljat će Služba za ekonomsko-financijske, pravne i opće poslove Ministarstva, a sve ostale stručne i administrativno-tehničke poslove Vahida Krekić, stručni saradnik za informatiku, statistiku, analizu i izvještavanje u Sektoru za evropske integracije, međunarodnu saradnju i izvještavanje uz podršku Sektora za visoko obrazovanje, nauku i tehnologije Ministarstva.
  6. Ovo rješenje stupa na snagu danom donošenja i objavit će se u „Službenim novinama Federacije BiH“.

**MINISTRICA**

**Meliha Alić, prof.**

Dostavljeno:

- Imenovanim
- Službi za ekonomsko-financijske, pravne i opće poslove
- Sektoru za visoko obrazovanje, nauku i tehnologije
- A/a.